

# FANGA WÈ-KYONGA BOTARE

---

## I

### Adama se ko. yi Abraham.

#### 1. — Wè ke Logo

Wè bobo o ke tiga de wè-banga, ye ko ta ye bore, ko ta ye yibiri. Na de tiga ya gware dane, ba ta o pôre.

Wè ma we : « A lagha se pone ta ora ! » ye pone lan ora. Mo, kem dè yiga tu Wè na ke to.

Da yale tu dè ne, Wè da ma we : « A lagha se wonno ta ora wè-banga ne ! » ye wonno lan ora wè-banga ne.

Da yatô tu dè ne, Wè da ma we : « A lagha se na pôre ba yira se ko dare tiga de ka yira. » Ye ko lan ma pôre. Bwi ma zege se yira, ye piro zege te yira.

Wè da ma ta o we : « A lagha se tiga nong garro de tene di mama ! » Garro de tene di mama lan kwole tiga mama.

Da yanu tu dè ne, Wè da ma we : « A lagha se wia, de kyana, de kyalakyui ta ora ! » Ye se lan ora.

Da yanu tu dè ne, Wè da ma we : « A lagha se yonna ta ora na woni ! » Ye ya lan ma ora, ye zunna ta ora wè-banga ne, ye se lan ora.

Da yardon tu dè ne, Wè da ma we : « A lagha se tiga ta gyege vara di mama ! » Ye ka lan gye-ga. Wè da ma ta o we : « De o ke nono s'o ta nyere de tete ye s'o ta te tiga bangane wonno mama ! » O ma kwe tillèro, o ma ke nono yira, o ma fuli o yigane s'o pa o, gyoro na ba ti to.

O ma pa non'on yire we : « Adama. »

Wonno mama Wè na ke to, te lama dedè. Da yarpè tu dè ne, Wè ma sî ye, o sè dè dento sole.

## 2. — Adama de Awa Wopolo, Gye Lao woni

Wè ke wopolo gyega. Tene di mama ya ora, de bia na yoma dedè to.

Gye kan tetare ne, tene delle ya ora, de yire mo : « Ngwem Tio, » de « A lôre wo-longo de wo-lao Tio. » Wè lan ma ta de Adama o we : « Aban wa a di tene mama bia na o gyega kan woni, se a yi di « A lôre wo-longo de wo-lao Tio « bia. A na di banto, a o ti mo. »

Wè lan ma gong vara mama se ba ba Adama tene. Adama na nè ba, o wo pole dedè, ye o ma pè ba yira.

Wè da ma we : « Nono na ora o yirane, ko kyama. De o ke o yu don de wolla na nyere o tete. » O ma pa Adama dô. O lan ma le o sango kua, ye o ma ke kane. Adama ma zang. Wè lan ma we : « Ni mo kane, ta n'gyega ! » Adama na nè o, o wo pole dedè. O ma pa o kan'on yire we : « Awa. » O yire dem kuri mo : — Non'ngwena nu.

Banto balle na o gyega lao kon woni, ba nè wopolo dedè. Wè kwè ba lanyirane ko mang de nono na kwè o bu tè to. Ngwem-Tio bia pa se gyawio yi gyan ba.

## 3. — Adama de Awa wellere

Adama de Awa na nè wopolo dedè to, mo kon-to pa se Sitano gyege bone. O lan ma ke kokere s'o ta gane ba. O ma zo dion yira ne, ye o di « A lôre Wo-longo de Wo-lao Tio » bangare. Awa

lan ma yi tio kon te. Dion lan ma we : « Bè ngwane na aban ba di tene dem mama bia ? » Awa ma we : « De di tene mama bia, de dare « A lôre Wo-longo de Wo-lao Tio » bia yirane mo, se Wè tagha o we : « De na di tio kon bia, de o ti. » Dion ma we : « Ta di na mo, se a na dia, a ba ti, a o ta nyere Wè a o lôre wo-lonno de wo-laro mama. » Awa ma faghe o ni tio kon bia. O na ni konto to, ko lan pa se fèra gyege o dedè. O lan ma gore tio kon bu, o di, ye o dare o pa o baro. O baro de ma di.

Mo wellere yiga tu nona na ke to. Ba yia lan puri se ko o ke ko mang de ba ya na bong tè to. Ba lan ma lôre ba na ye bore to. Kyavira lan ma gyege ba. Ba ma kwe vôro ba ling, ye ba vo ba seghe ba tete tene woni.

PRÉFECTURE APOSTOLIQUE  
DE NAVRONGO

1933